

EW NAMOPUNG

A awora ukukun \$11,000 seni ewe Monienapen ewe Legislature-un Chuuk ren fan asengessin monien public projects non Lukeizel, pwan awora monien sai ren ekkewe nouwisin municipality non Lukeizel, me pwan ren ekkoch popun.

Epwe Pung Me Ren Ewe Legislature-un Chuuk.

Tetten 1. Iei a kawor ukukun \$11,000, ika fite ukukun mei namot ren an epwe tongeni naaf seni ewe Monienapen ewe Legislature-un Chuuk ren fan asengessin monien public projects non Lukeizel me monien sai an nouwisin ekkewe municipality non Lukeizel, epwe iei usun inetin:

- (a) \$8,000.ren monien public projects non Lukeizel
epwe kapunguno me ren samonun Nama,
Losap me Pis-Losap; pwan
- (b) \$3,000.ren an nouwisin ekkewe Municipalities
asan sai mei namot me auchea ren fan
iten angangen ar kewe muu, ese tongeni
epwe tawe chinoon chok ika pwe e fis
ekkewe sai.

Tetten 2. (a) Ei ukukun moni mei kawor non Tetten 1 epwe einet ika no-ngeni Director-un Putaen Public Affairs, ewe epwe wisen tumunu nounoun me mwokutukutun ewe moni fan iten ewe Legislature ren an epwe chok fiti meta mei affat me non Tetten 1 ren sakkun mwokutukutun ewe moni, iwe esap pwan wor katoun me nounoun ei moni epwe nap-seni ei ukukun mei kawor. Met ukukun ei moni esemwo it ne nounou ika esemwo nussuno non September 30, 1982, epwe niwin sefaan ngeni ewe Monienapen ewe Legislature-un Chuuk.

(b) Ewe Director-un Public Affairs epwe atou ewe moni nupwen a tori planin me popun nounoun ewe moni me ren ewe Samon, ika ion a finita an epwe fori;


Tetten 3. Ewe Director epwe awora an repot won napanapen nounoun me mwokutukutun ei moni ngeni ewe Legislature me mwen April 15, 1982, epwe affatatiw:

(1) unusen porausen nounoun ewe moni fongen me ~~Wainit~~ nussun
mei chiwen wor non April 1, 1982; pwan

(2) met sakkun atoot ika anapanap ren ewe nussun moni esemwo
nounou tori non April 1, 1982, an epwe nounou non met ukukun nussun
ewe Fiscal Year, nge och sopusopun repot epwe pwan kawor nefinen 30
ran me murin soponon ewe Fiscal Year, ngeni ewe Legislature ika ew
committee mei finita, epwe affatatiw napanapen nounoun me mwokutuk-
utun ewe moni.


Tetten 4. Ei Namopung epwe poputa pochokunan non October 1, 1981,
ika a kapunguno me ren ewe Kepina, ika pusin winit i annuk, nge esemwo
kapunguno.

Sain seni:



Tadashi Z. Wainit, Speaker
Truk Legislature

Annetata:



Datasi Albert
Legislative Chief Clerk/Secretary
Truk Legislature

Pwinin maram:

July 6, 1981

Kapunguno seni:



Erhart Aten, Governor
Truk State Government

Pwinin maram:

August 4, 1981